

B O S N A I H E R C E G O V I N A
FEDERACIJA BOSNE I HERCEGOVINE
UNSKO-SANSKI KANTON
GRAD BOSANSKA KRUPA
GRADSKI ORGAN UPRAVE

Broj:09-20-1502/23

Dana: 31.8.2023. godine

Na osnovu člana 5. Pravilnika o vrstama, kriterijima i načinu raspodjela novčanih sredstava iz Budžeta Grada Bosanska Krupa za 2023.godinu - Poticaj za poljoprivredu ("Službeni glasnik grada Bosanska Krupa", broj: 2/23) Gradonačelnik grada Bosanska Krupa objavljuje:

JAVNI POZIV
za podnošenje zahtjeva za sufinansiranje troškova proizvodnje povrća, jagode
i cvijeća u plastenicima površine od 100 m² do 200 m²

I Gradonačelnik grada Bosanska Krupa objavljuje Javni poziv za sufinansiranje troškova .proizvodnje povrća, jagode i cvijeća u plastenicima površine od 100 m² do 200 m².

II Opći uslovi za ostvarivanje prava

Pravo na korištenje sredstava, a u skladu sa Pravilnikom o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2023. godinu – Poticaj za poljoprivredu, imaju pravna i fizička lica koja imaju prebivalište/sjedište na području grada Bosanska Krupa, koji su upisani u Registar poljoprivrednih gazdinstava i Registar klijenata u gradu Bosanska Krupa.
Službenu provjeru upisanih pravnih i fizičkih lica u Registar poljoprivrednih gazdinstava i Registar klijenata u gradu Bosanska Krupa obavlja nadležna služba.

III Posebni uslovi, kriteriji i način realizacije

Pravo na novčanu podršku za sufinansiranje troškova proizvodnje povrća, jagode i cvijeća u plastenicima površine od 100 m² do 200 m² površine imaju proizvođači koji proizvode povrće, jagodu i cvijeće u plastenicima na površini od minimalno 100 m² do 200 m² površine.

Proizvođači koji proizvode povrće, jagode i cvijeće na površini većoj od 200 m², ostvaruju novčanu podršku za 200 m² površine.

Za ostvarivanje prava na novčanu podršku po objavljenom Javnom pozivu, proizvođači podnose zahtjev Službi za obrt, poljoprivredu i poduzetništvo.

Po podnesenim zahtjevima uposlenici Službe će na licu mjesta utvrditi činjenično stanje i zapisnički konstatovati da li se plastenik namjenski koristi, vrstu proizvodnje i proizvodnu površinu plastenika, zatim sačiniti Listu korisnika i donijeti akt o odobravanju i isplati sredstava.

Visina novčane podrške iznosi 1,70 KM/m² površine plastenika.

Ukoliko planirana sredstva za ovu mjeru budu nedovoljna izvršiti će se proporcionalno smanjenje novčanog iznosa po m² površine plastenika kod svih korisnika.

IV Postupak i provedba

Zahtjev sa propisanom dokumentacijom se podnosi Službi za obrt, poljoprivredu i poduzetništvo, putem pisarnice. Obrazac zahtjeva se može preuzeti u Centru za pružanje usluga građanima grada Bosanska Krupa.

Javni poziv se objavljuje na zvaničnoj web stranici Grada i oglasnim pločama i ostaje otvoren 15 (petnaest) dana od dana objavljivanja na zvaničnoj web stranici: www.gradbosanskakrupa.ba.

Nadležna služba po zatvaranju javnog poziva provodi postupak po istom, te sačinjava Listu aplikanata koji ispunjavaju uvjete i Listu aplikanata koji ne ispunjavaju uvjete javnog poziva koje će se objaviti na zvaničnoj web stranici Grada i oglasnim pločama.



Neblagovremene i nepotpune prijave će se odbaciti rješenjem na koje nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Aplikantima koji ne ispunjavaju uvjete dostavit će se obavijest na koju isti imaju pravo žalbe u roku od 5 (pet) dana od dana prijema obavijesti Komisiji Gradskog vijeća za zaštitu ljudskih prava i građanskih sloboda.

Rješenje o ostvarivanju prava na novčanu podršku donijet će se za aplikante koji ispunjavaju uvjete javnog poziva.

Na rješenje o ostvarivanju prava na novčanu podršku nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Obrađivači:
Skenderović Asima
Veladžić Mumin



GRADONAČELNIK
Armin Halitović



Dostaviti:

1. Zvanična web stranica grada
2. Oglasne ploče (Bos. Krupa, Bos. Otoka, Jezerski)
3. JP „Radio Bosanska Krupa“
4. Služba za obrt, poljoprivredu i poduzetništvo
5. Arhiva